

III - CILJEVI I DJELATNOSTI

Član 8.

Ciljevi i djelatnosti Udruženja su:

- zalaganje za zaštitu prava i interesa dobitnica/ka Zlatne značke Univerziteta u Sarajevu učešćem u izradi javnih politika, zakona i odluka;
- ostvarenje znanstvene, stručne i profesionalne saradnje sa Univerzitetom u Sarajevu;
- podrška stručnom i profesionalnom usavršavanju članstva Udruženja, zalaganje za besplatan nastavak studija na II i III ciklusu studija na Univerzitetu u Sarajevu, za zapošljavanje na formalnom tržištu rada, kao i iniciranje i implementacija projekata i istraživanja koji se odnose na prava i interese članstva Udruženja;
- izgradnja uzajamnih odnosa saradnje između stručnjaka, akademskih radnica/ka, aktivistica/ta, te predstavnica/ka institucija i organizacija koji se zalažu za prava i interese članova Udruženja;
- saradnja sa Univerzitetima, organima i organizacijama u Bosni i Hercegovini, poslodavcima i privrednim subjektima, strukovnim udruženjima u svrhu ostvarivanja ciljeva i djelatnosti Udruženja;
- uključivanje u međunarodnu znanstveno - istraživačku mrežu i sudjelovanje u projektima razmjene znanstvenih dostignuća;
- podizanje svijesti građanki/a o pravima i interesima dobitnica/ka Zlatne značke, te o njihovoj ulozi u društvu;
- poboljšanje institucionalnog, socijalnog i ekonomskog statusa najboljih studentica/ata kvalitetnog naučnog kadra u Bosni i Hercegovini;
- zalaganje za afirmaciju naučnih, kulturnih i intelektualnih vrijednosti bosanskohercegovačkog društva, za razvoj svestrane studentske ličnosti, za slobodu i napredak naučno-istraživačke i nastavno-naučne djelatnosti, te odgojno-obrazovnog procesa;
- doprinos izgradnji i ostvarenju slobodnog, demokratskog, pluralnog i tolerantnog društva;
- organiziranje javnih rasprava, okruglih stolova i seminara, stručnih radionica obrazovnih, umjetničkih i sportskih manifestacija radi ostvarivanja ciljeva Udruženja;
- pomoć i promicanje politike zapošljavanja najboljeg mladog kadra, poticanja naučno-istraživačke djelatnosti studentica/ata i jačanja interesa za usavršavanje, nastavak studijskih programa i učešće u programima cjeloživotnog učenja;
- Izdavanje knjiga, brošura i drugih publikacija radi ostvarivanja ciljeva Udruženja u skladu sa Zakonom.

Član 9.

Utvrđene ciljeve i djelatnosti Udruženje ostvaruje na način određen Zakonom, ovim Statutom i drugim opštim aktima Udruženja.

Radi realizacije programskih ciljeva i djelatnosti Udruženja, izvan sjedišta Udruženja mogu se formirati uredi, predstavništva i podružnice na cijelom području Bosne i Hercegovine, koji nemaju svojstvo pravnog lica.

Odluku o otvaranju organizacionih oblika iz ovog člana donosi Skupština Udruženja.

Član 10.

Udruženje može obavljati privredne djelatnosti koje su neposredno povezane sa ciljevima Udruženja iz člana 8. ovog Statuta (izdavanje knjiga, brošura i drugih publikacija radi ostvarivanja ciljeva Udruženja u skladu sa Zakonom).

Za nesrodne privredne djelatnosti (djelatnosti koje nisu neposredno povezane sa ciljevima Udruženja) Udruženje može obavljati samo preko posebno osnovanog pravnog lica u skladu sa Zakonom.